

者，此皆一剂知二剂已之方也，倘能药量适合，则一帖愈病，原属平淡无奇之事，安足怪者？而《伤寒论》中之阳明病占全书篇幅四之一，于承气尤反复推论，其详备明确远出三阴诸方之上，然则硝黄之用，复有何疑者？阅者能明此旨，是为知吾师者，是为知仲圣者。

78. 阳明头痛

彭左

不大便五日，头痛，脉滑，下之愈。

生川军一钱 火麻仁三钱 炒莱菔子三钱

炒枳实二钱 芒硝一钱半

王慎轩记：服后下燥屎数枚，头痛即止，彼头痛治头者，见此得平母瞠目乎。

79. 鼻痛

张右

阳明燥气上炎，华盖热发于窍，鼻中时发痞癢，硬痛而热，时发浊涕，绿色成块，当用叶香岩法。

苦丁茶三钱 夏枯花三钱 菊花一钱半

鲜生地三钱 地骨皮三钱 牡丹皮三钱

鲜金斛一钱 生石膏三钱 干芦根四钱

王慎轩记：余见斯方，训于师曰，吾师素不信天士鞠通之法，今何信之耶。师曰：彼三家短处固多，而长处亦有，择其善者而用亦无不可。但观其效可也。次日果来复诊，云已大瘥，令其再服乃愈。

【按】叶天士说：“辨卫气营血虽与伤寒同，若论治法则与伤寒大异也。”叶天士的创新治法，曹颖甫择其善者而用。